

Donostia, 2017ko martxoaren 24a

## IDAZKARITZA NAGUSIARI

### KONTROL MOZIOA ALTZAKO KIROLDEGIA ETA AMIANTOA DELA ETA

Irabazi Donostia taldeko zinegotzi Loïc Alejandrok, Udalbatzaren Araudi Organikoaren 98. artikulua oinarri, KONTROL MOZIO hau aurkeztu nahi du. Mozioa Lurraldearen Garapen eta Planifikazio Batzordean, 2017/03/20an, amiantoa aurkitu den lursailetan hartu beharreko neurriei buruz, aurkeztutako interpelazioaren ondorio da.

### JUSTIFIKAZIOA

Altza kiroldegan egitekoak diren obren esparruan, hiru eremu hauetako lurrak aztertu dituzte amiantoaren eta beste gai kutsatzaile batzuen presentzia bilatzeko:

- 1. eremua: lehengo kiroldegiak hartzen zuena.
- 2. eremua: kirol instalazioak zabaltzeko aurreikusitakoa; aparkalekua eta parke publikoa hartzen ditu.
- 3. eremua: Fibrocementos Vascos SL enpresaren hondakindegia industrialaren zena; Harri Berri- Oleta lehen hezkuntzako ikastetxearen ekialdean.

1. eremuari dagokionez, amianto hondarrik ez dagoela ondorioztatu da.

2. eremuari dagokionez, azterlan xehearen emaitzek adierazten dute amiantoa dagoela, arriskugarriak izateko moduko kontzentrazioetan. Hona emaitzak:

- *“Asbesto arrastoak % 0,1 – 2 kontzentrazioan lagin bolumenean”*
- Lagina hartzeko gutxienerako sakonera 20-70 cm izan da.

3. eremuari dagokionez, txostenaren emaitzek adierazten dute amiantoa dagoela, 2. eremuan baino kontzentrazio handiagoan, eta gainazalean, zenbait puntutan, zuzenean aire librean. Zehazki:

- *“Asbestoen presentzia mugatu da % 2-5 kontzentrazioan”*
- *“Ikastetxearen patioa inguratzen duen hesiarekiko paraleloan doan bidexkaren ondoan den ezpondaren gainazalean asbestoak eduki ditzaketen materialak daudela ikusi da”.*

Txosten desberdin horietan prebentzioko zenbait jarduera gomendatzen dira:

- Barrera fisiko bat jartzea amiantoa aurkitu den gainazal asfaltatu gabeen gainean (2 eta 3 eremuak).
- Airearen analisi gehiago egitea.
- Ikerketa xehea egitea ikastetxearekin muga egiten duen eremuan.

Egia bada ere airearen azterketek bazter uzten dutela amianto esposizio jarraitua, txostenek proposatutako neurriak modu prebentiboan hartu behar dira. Batez ere, ikastetxeko patioaren eta fibrozementu enpresaren hondakindegia zenaren artean doan bidexkaren egoera delikatuaren berri izanda, amiantoa aurkitu baita han, gainazalean eta kontzentrazio handitan.

Batzordean, zinegotzi ordezkariak esan zuen proposatutako neurriak abian jarriko zirela eta jada konponduta zegoela bi tokitan zabalik zegoen hesia. Berri ona da OSALANEk, azkenean, bere oniritzia eman izana, behar diren jarduerak egiteko. Nolanahi ere, iruditzen zaigu hesi hori hobeto jar daitekeela, eta jarri egin behar dela.

2017ko martxoaren 22an, Altzan, Asmatu herritarren plataformak antolatutako informazio bileran, fibrozementu enpresaren hondakindegia zenaren ondoan hasitako herritar batzuek komentatu zuten lehen “mendia” esaten zioten hondakin piloa jarrita dagoen hesitik harago zabaltzen dela, eta Pasaiairaino jaisten dela. Gogorarazi behar da kutsatutzat identifikatutako lursail horren hegoaldera baratzeak daudela. Ikerketa historiko batean eta 3. eremuko hesia mugatzeko lerro topografikoetan oinarrituta dago, baina, bertako bizilagunen lekukotasunen argitan, ezinbestekoa da gehiago ikertzea, segurtasunez eta zehaztasunez mugatzeko amiantoak eragindako ikastetxearen ekialdeko eremua. Modu berean, inguruan baratzeak egoteak kezka sortzen du; izan ere, lurlean amiantoa dagoela, baratzean aritzea arriskutsua izan daiteke, eta arriskua ebaluatu eta mugatu beharra dago.

Kontrol mozio honen jatorrian den interpelazioa idatzi genuenena, 3. eremuko hesia zabalik zegoen bi puntutan. Batzordean, zabalguneko horietatik eremura sartzen segitzen duten pertsonen jarrera arduragabea azpimarratu zuen zinegotzi ordezkariak. Uste dugu, besterik gabe, bizilagunek ez dakitela zehazki zer gertatzen ari den hesitutako eremuan, eta hesiaren soiltasunak ere ez du laguntzen gune arriskutsua dela ulertzen. Horregatik, beharrezkoa da bizilagunak hobeto informatzea. Martxoaren 22ko informazio bileran argi eta garbi planteatu zen eskaera hori, baina, horrez gain, baiezko erantzuna eman zioten udal gobernuaren arduradunek.

Bilera berean, Herritarren Partaidetza sailaren arduradunak adierazi zuen txosten guztiak kontsultatzeko moduan daudela Casares Tomasene kultur etxean. Ekimen positiboa eta beharrezkoa, baina, seguru asko, ez nahikoa, txosten teknikoak izanda jende guztia ez delako ulertzerantz iritsiko. Bileran emandako azalpenak entzun izan ezin dituzten herritarretako askok, ez du denborarik izango, ezta ere, txosten oso teknikoak irakurtzeko. Horregatik, beharrezkoa iruditzen zaigu eskuorriak egitea egoerari buruzko azalpen erraz eta laburrekin. Proposatuta nahi dugu eskuorri horiek gutxienez auzoko kultur etxean eskuragarri egotea.

Beste alde batetik, amiantoaren arazoaren ondorioz, kiroldegi berriaren amaiera atzeratu egingo da, eta hori gabe ere, eraikuntza lanak bi urtez luzatuko zirela aurreikusten zen jada. Auzotar asko kaltetuta sentitzen da, eta konpentsazio neurriak eta aldi baterakoak proposatu dituzte. Horietako batzuk ontzat eman zituzten jada gobernuak eta, pertsonalki, alkateak informazio bileran. Hauek, hain zuzen:

- lokalak erabiltzea auzoan lehen kiroldegian egiten ziren jardueretako batzuk egiteko.
- kiroldegi berria prest egotean, ez kobratzea kirol txartelaren sarrera kuota baja eman duten erabiltzaileei.

Amaitzeko, nabarmendu nahi dugu ez dela informazio guztia eraman Altza kiroldegiari eta amiantoz kutsatutako lurren presentziari buruzko Batzorde Ez Iraunkorrera. 3. eremuari dagokionez, amiantoa gainazaletik hurbilago dagoela besterik ez da esan batzorde horretan. Ez da okerra, baina ez da “informazio guztia jakinaraztea”, aurkitu diren kontzentrazioak handienak direla ez delako adierazi,

eta materiala zuzenean aire librean dagoela ere ez delako adierazi. Batzordekideei ere ez zaizkie txostenak helarazi. Beste dinamika bat hartu behar dugu.

Horiek guztiak horrela, hau da nire

## KONTROL MOZIOA

1. Donostiako Udalbatzak udal gobernuari eskatzen dio jar ditzala lehenbailehen, eta bizilagunen eta fibrozementu enpresaren hondakindegia zenarekin muga egiten duen ikastetxearen eskaerak aintzat hartuta, amiantoz kutsatutako Alzako lurrei dagokienez Lurraldearen Garapen eta Planifikazio Batzordean iragarritako eta egin diren txosten desberdinetan proposatutako neurri hauek:

- Barrera fisiko bat jartzea gainazal asfaltatu gabeen gainean
- Airearen analisi gehiago egitea
- Ikerketa xehea egitea ikastetxearekin muga egiten duen eremuan

1. Donostiako Udalbatzak udal gobernuari eskatzen dio hobekuntzak egin ditzala amiantoa aurkitu den lursailletako itxituren. Hauek, zehazki:

- itxituren jarrita dauden kartelak aldatzea, hesitutako eremuan amiantoa dagoela ohartarazteko moduan.
- egungo itxituraren ordezkari bat jartzea.
- zaintza lanak areagotzea, jendea pasatzea galarazteko.

1. Harri Berri- Oleta lehen hezkuntzako ikastetxearen ekialdean den amiantoz kutsatutako eremua, auzotarren lekukotasunak aintzat hartuta, uste baino handiagoa ote den eta, Donostiako Udalbatzak gobernuari eskatzen dio egin ditzala lagin hartze gehiago amiantoz kutsatu gabeko laginen lerro jarraitu bat lortu arte egun hesitutako eremuaren inguru osoan.

2. Donostiako Udalbatzak udal gobernuari eskatzen dio azter dezala zer neurritan eragiten dien amiantoak fibrozementu enpresaren hondakindegia zenaren lursailarekin muga egiten duten baratzei eta zer arrisku potentziala dakarren.
3. Donostiako Udalbatzak gobernuari eskatzen dio zehatz ditzala, Asmatu herritarren plataformarekin batera, aurrez aurreko eta aldiari aldiari bilera batzuk informazioa emateko auzotarrei Altzako amiantoari dagokionez egiten ari diren jardueri eta Udalak eskuartean darabiltzan informazioei buruz.
4. Donostiako Udalbatzak gobernuari eskatzen dio prestatu dezala eskuorri labur eta argi bat amiantoa detektatu den Altzako hiru lursailen egoera azaltzeko, eta jar dezala eskuragarri gutxienez auzoko kultur etxean.
5. Donostiako Udalbatzak udal gobernuari eskatzen dio abiaraz ditzala konpentsaziozko eta aldi baterako neurriak kiroldegiaren desagertzeak auzotarrei eragindako kaltea arintzeko, haiek eskatutakoarekin bat.
6. Donostiako Udalbatzak udal gobernuari eskatzen dio helaraz diezaiola Altxa kiroldegiari eta amiantoz kutsatutako lurren presentziari buruzko Batzorde Ez Iraunkorrari eskuartean duen informazio guztia egun egiten ari diren jardueri, eta aurreikusitakoei, buruz, eta gaiarekin lotuta egin ahal diren azterlan eta txostenei buruz.

Izpta.: Loïc Alejandro,  
Irabazi Donostia taldeko zinegotzia.